

光緒永嘉縣志

永嘉縣志卷之七

學校志

學宮

甌之有學宮舊矣嘉靖浙江通志謂晉太寧初立永嘉郡學於華蓋山麓似今之縣學卽晉之郡學址矣邑號小鄒魯自宋迄明名臣理學氣節文章彪炳史冊非聖教涵濡何以致此舊志於府學特詳今粗舉大端別於郡志也至配饗賢儒近數十年來增祀者多位次互易則詳著之樂章之設載在會典久同告朔之羊今諸生大都嫻習節奏鏗鏘則補錄之恐有司失其傳也若夫文武學額視昔有

加書院義塾猶黨庠術序遺意故並著於錄以備稽考而附於廟學之後

府學 舊在州治東宋天禧三年知州葉溫遷於九星宮故址在瑞安門內大街東卽今廟學也詳府志

縣學 在縣治東華蓋山麓宋元祐三年縣令吳君平始建紹定間縣令洪備於廟後建學元縣尹蕭玉宋也先王安貞相繼改建萬曆府志延祐元年燬二年縣尹何玉作

禮殿五年縣尹王貢作門廡講堂至順二年尹趙塔納

終成之

見柳貫永嘉縣新學記詳金石案嘉靖通志載延祐元年縣尹何玉趙塔納重建誤明

洪武元年知府湯遜知縣韓鈞修闢二十八年知縣李

廷珪創先賢祠西南闢戊營地通興文街萬厝府志

永嘉縣儒學新修廟學記永嘉溫之屬邑也其學在華

蓋山右元延祐甲寅災縣尹趙公敬叔重建於至順辛

未前廟後學門廡齋舍悉備太常寺博士柳公道傳嘗

誌於石始末可考焉厯歲滋久日寢弛圯內附後朝廷

詔天下郡縣開設學校時有司修葺講堂及櫺星門而

已迨今二十餘年大成殿戟門以風雨飄搖蟲蟻侵蝕

雖未至顛覆殆不可支矣洪武戊辰夏予來典學事竊

嘗病之倡議興修往往有司視爲不急之務尼而不行

乙亥春浙江海右道行按察使事國子監生延珪等行

部至郡首詣府廟學謁先聖先師勉勵諸生次至縣學

顧瞻禮殿戟門慨然興歎乃進有司官僚及師弟子員

謂曰學校風化之所自出而衰敝若是豈聖朝尊師重

教之意耶宜急圖之知縣羅川李廷珪感然曰責實在

某典史萊陽張志能議亦克協乃各捐俸資倡之吾黨

之士泊鄉之好誼者咸出財以相其役於是鳩工聚材

瓦甃丹堊繼之好誼者咸出財以相其役於是鳩工聚材

甃之缺敗者其間塗飾之漫漶者更而新之不失舊觀

仍闢先賢祠於戟門內立學門於戟門東偏又立守神

祠於學門東齋廡庖湍有未備者亦完之西南逼於成
營巷隘不容旋馬於廟學弗稱至是闢而廣之西接通
衢立坊於其所名曰進賢氣象宏壯踰於曩昔肇役於
是年五月望日越兩月告成諸生喜而言曰是役也公
無所損民不告勞其有功於名教如此蓋立石以紀之
予謂學校之設所以明倫理也倫理明則賢才興賢才
興則風俗厚此唐虞三代所以致雍熙泰和之治也宋
興崇尚文教是邦僻在海隅號小鄒魯流風餘響迄今
猶存夫豈偶然哉欽惟皇明混一海宇稽古出治教化
所及翕然丕變餘是譽髦之士彬彬輩出而任風紀師
師之寄者皆祇承德意以興起斯文為事故余與諸生
獲處於斯以講習先聖之道又安敢忘其所自也書曰
惟教學半念終始典於學厥德修罔覺詩曰肆成人有
德小子有造予與諸生勉之是為記洪武二十九年龍
集丙子十月 永樂壬辰知縣聶中繼而修之 乾隆志佚今
月朔日 據范忠記補

宣德元年颶風毀廟廡邑人戴文堡林斐黃福昌同建

知府何文淵為記

萬厓府志 按 下甲寅碑記此疑有誤

九年知府何文

淵修

舊志佚

教諭范忠新修永嘉縣儒學記溫郡負

興廢

莫能悉聖朝混一海宇洪武戊申間郡守湯侯遜

仍作而新之厯四十有五年至永樂壬辰邑令聶侯中

繼而修之又十有三年乃宣德丙午夏五月颶風起海

上拔木揚沙石民居官宇十仆其二三而廟學僅存門

廡傾圯益無遺矣有司雖勤修葺而功弗竟歲庚戌郡

守何侯以名進士拜監察御史才德著聞用宰執之薦

捧璽書來治於溫自下車以來政通人和百廢具興願

睹邑學獨圯弗治大思無以稱上旨乃進師生而謂之

曰學校以敷宣教化作興賢良必宏其規模以爲施教

之地非所以誇美不如是不足以攝情慢敦鄙薄矣今

者廟學門廡傾圯若是將何以副皇上崇儒重道之意

耶宜亟圖之於是邑宰以下及鄉人邵資嚴廩輩聞命

咸願出已帑致助以董其事於是鳩工庀材剔腐易堅

闢隘以隆禮殿門廡丹雘聖舉以其度比之舊觀爲

尤偉焉其東西廡從祀先賢儀像嚴乎其容肅乎其位

濟濟如也復建先賢祠於廡之西南經始於甲寅春三

月一日落成於是年秋七月二十七日廟學既新諸生

學校學宮

合詞而進之曰侯之德我士屬厚矣是役也公無所損
民不告勞其有功於名教若此盡立石以記其將來余
惟詩所謂豈弟君子令德來教侯之謂也賢侯能倦倦
以學校爲心而獨知所先務是可嘉也已矧夫永嘉在
昔號小鄒魯之邦其名賢明哲若周公行己劉公安節
安上伯仲輩親承伊洛性命之傳至今流風餘韻代有
其人諸士尙當相規相誨陶成乎詩書興起於禮樂出
以輔成一代文明之治而齒美乎前修則足以副侯之
所望其於學校爲有光矣侯名文淵江西建昌府廣昌
縣人故爲述其事而併係之以詩詩曰大哉宣聖萬世
之師明明廟學教化所基聖皇御極於昭緝熙大道之
行粹乎其時人存政舉何侯實宜一邑忠信四方則之
斯文興起咸口在茲賢良迭出鸞翥鳳儀能知所先
是爲賢守勒辭穹碑用垂不朽宣德甲寅孟秋吉日正
統二年知縣周紀修縣志麻府志邑人黃淮重修永嘉
郭璞以爲上應北斗城東山曰華蓋星之次爲文曲縣
學在其麓人咸謂據得其地未知然否也廟學建有年
興廢不一近歲颶風大作頽弊滋甚前太守侍郎何公
經理修葺功將就緒而公有陞擢之命未幾廟學復爲

風所撓門廡加損禮殿梁棟亦就欹仄正統丁巳春今
太守劉公謙判府劉公寬推府宮公安暨幕僚黃珩等
來視學太守公顧而歎曰廟學緝理未久而圯廢若是
茲乃督役者不能致敬謹有負侍郎何公之美意若復
因循歲月必致摧敗而不可舉矣衆皆台辭交贊亟命
鴻工庀材擇日興作知縣周紀縣丞方珍主簿周輔典
史黃琛承命唯謹委訓導沈恂王遠暨生員劉罕金道
進楊安董其事慎選耆士徐生葉宗輝副之朽腐者易
以堅良折侈者加以繕密丹堊塗塹羣工並施禮殿像
設繪飾莊嚴兩廡配享舊畫壁間漫漶莫辨今乃埏土
肖像冕服悉依其爵改創文昌先賢二祠於中門之右
興文祠於學門之左閱三月訖工以八月丙寅日舍菜
告成淮亦忝預班列徘徊顧瞻金碧璀璨照映林谷華
益若增而高文曲之星流輝炳耀視昔有加矣訓導及
諸生李宗田等相與言曰斯役也不獨易廢爲興抑且
增其未備於以安安聖靈休庇生徒扶植斯文之功大
矣盍謀伐石登載垂示將來因屬筆於淮俾爲之記淮
聞地因人勝古有是言吾邦巨儒前代姑置勿論宋儒
志王先生景山倡道學於伊洛未作之先而爲理學開
山之祖是後若周行已劉安節安上皆承伊洛正傳吳

表臣之論諫葉適之宏博蔡幼學之不避權奸薛士龍
之明於料敵若此者更僕不能盡述宜乎學士虞文靖
公日爲杞梓茂林鳳麟靈囿豈非地因人勝之謂乎諸
生仰荷聖朝培養之深恩又承郡邑官僚作興之嘉惠
當思報稱期於無忝必以禮義廉恥爲立身之大端切
剴淬礪以就其德器將復見於今日豈特華蓋文曲增
修自期杞梓鳳麟殆將復見於今日豈特華蓋文曲增
輝而已哉准自成童鼓篋邑庠忝備賓興叨膺科甲由
兩制從事孤卿之後今焉困於夙疾謝事家居自念無
實德而擅虛名上負列聖之知遇抱愧戰兢惕然於懷
諸生入學雖有後先淮視之皆同門友故因記修學之
事冒進箴規之言生也誠能致力於真知實踐之學崇
秩厚祿不求而自至由是摭其素蘊灼見諸事業以爲
斯文之光庶幾無愧也生其勉乎哉正統二年陽月癸
未成化十八年知縣文林關東北山麓地重建明倫堂
及饌堂築杏壇鑿泮池府志萬曆宏治十年知縣林廷璫復
道院侵地仍購民地益之重建兩廡官廨倉庫等未訖

工去知縣汪循踵成之始分建名宦鄉賢祠

萬曆府志

季東陽

永嘉縣學記 縣學自宋元祐間悉至國朝興替不一顧其舊址後偏道院前迫民居既隘且敝不稱為施教地前縣林君廷璫圖為改作拓其故而新之首建宣聖廟及左右廡尋摧貳蘇州不果畢而去新安汪君循繼知縣事踵成之於庭之前為戟門旁隙地為庖為庫而廟成又為堂及左右齋旁為號舍前為泮池而橋其上又前為儀門而學成又為名宦鄉賢二祠於學之兩偏凡其木石餽篲之材金碧丹堊髹繪之飾繩敷剝斲構結髮築之用選堅擇良精極壯麗數十年之陋一旦為浙東大觀

正德元年知縣王獻

臣復大成殿後容成道院舊所侵地又購地足之背山

面殿建奎光閣

舊志佚據李東陽奎光閣記補

四年刊學宮圖碑於明

倫堂右壁

文詳金石

十一年重建仰止亭

舊志佚據葉式嘉記補文詳金石

靖九年奉制易大成殿曰先師廟建啓聖祠及敬一亭

十七年知縣李丕顯重修四十年廟門及啓聖祠圯四十五年巡按龐尙鵬知府李廷觀知縣程文著重建萬

歷七年邑人副使王叔果捐資重修

萬縣志 重脩永嘉縣學記

永嘉縣儒學歲久損敝明倫堂爲獨甚諸士子謁當道請修治顧帑絀未遑也已卯冬堂且圯鄉先生廣東按察副使西華公叔果有事學中徘徊久之揖謂師生曰予幸有先大夫之餘資雖未盡修請修其急者於是新作堂宇以及階序門牆俱煥然大改其舊凡四月而告成費金以百者三既迄工教諭周君迪訓導吳君炳正與葉生嘉遇林生承郡等謀鑄石以示久遠訓導鄭君從善予友也始介之來請記予惟王公亦猶行古之道爾古之人以身爲禮樂綱常之所寄也故公之於天下其有行也恒爲天下謀不爲一身謀出其智爲天下慮輸其力爲天下勞捐其財爲天下用未嘗以人已彼此限也故分所得爲義不容已卽毅然以身肩之而無所退諉也況於學者乃其終身所有事者乎禮大夫七十而致仕老其鄉里大夫爲父師士爲少師歲事畢則羣

餘子於學而教之猶里胥鄰長之傳農也以至任其道
德會於成均之法爲瞽宗之樂法而後已然則與有教
學之責者盍忍委諸州長黨正而不爲之十二年知縣
所乎是役也非異人任亦猶行古之道與
陳其志重修侯一元重修永嘉縣學碑記夫牧之道養
士和學之道上爲聖人教爲養終教之道士爲民倡民爲
學有聖廟而乃有堂傾廟圯而不治者非以政之勞與
時之拙與政之弊者由文之多也誠損文而就質則未
有急於教者也時之拙者由民之貧也誠量入以爲出
則未有急於修學者也於是永嘉儒學之堂則既治之
矣聖廟兩廡若門若牌坊啟聖祠敬一亭猶未也廟貌
正梁將圯簷及兩廡咸狹隘不稱原估蓄縮至百有餘
金則以爲多矣今令陳侯其志惟任之暮月才裕敏達
心宅廉仁而尤注意於人倫振作乎士類橫經芹泮儲
材薪樵諸生翕然莫不興起於是既搜查將諸修倉之
羨而又裁節冗用務給經費請諸郡尊衛公承芳復得
若干金計畫既定乃從事焉而以縣倅李君衿董役君
亦拮据埤益肇工於月正之既望越半歲而告成黝堊
丹漆煥焉宏麗人曰斯我公侯之德也蓋一時上下冰

策憊然常兢兢乎斯民一錢之惜而獨於學校軫念如
 此於是承役者亦莫不視如家事節約牢密蓋費半而
 功倍焉故考其事雖籌之前時而成之則今日也考其
 經費則上非煩官也下非勞民也又何有一毫沽譽樹
 德憂譏避事之心哉夫無所為而為之君子也學師周
 君迪吳君炳正余君學誠實謂元曰夫陳侯蓋有所受
 之矣厥祖學憲峯湖公家學淵源嘗誨之以聖賢之學
 嗚呼欲學聖人者其亦於文質義利間辨之已乎是宜
 諸生相與感激奮勵而不能已也是役也貳守劉公汝
 翔別駕馬公魯卿司理潘公士藻咸與經始樂觀厥成
 云時縣倅張光世尉莊淮亦有勞焉十四年知縣蔣行
 例宜書之而為記萬曆甲申秋日

義建文昌祠於學後華蓋山舊志郡人何懋官記未見三十二年王

叔果子光蘊光薦復修廟廡尊經閣名宦鄉賢祠康熙府志
 而縣雲間姓永濟重修永嘉縣學記夫風厲膠庠修舉
 廢墜以造士而興賢非長吏師師者之責哉長吏欲為
 而鄉之老能為之為於前又繼為於後篤桑梓之敬贊
 草萊之化外義無窮樂施而靡倦則其賢尤不可以無

表焉永濟所睹永嘉王大夫父子兄弟其人矣永嘉縣
學大修於鄉賢憲副王公叔果事在萬曆己卯詳載常
山詹公萊碑記中歲久復圯廟屋幾不支永濟承乏茲
邑力圖構葺而帑無宿儲民有積逋役鉅而費多慮無
以供籌度於心者久之癸卯冬如京師朝元正鄉老盛
國貳守王君光蘊與其仲君光祿署丞光薦謀曰我邑
賢官我先君實力焉蠱緒弗幹謂析薪何吾終不以
勞費遺有司仲曰諾遂各捐資卜十二月十二日始事
委計於子弟之能者而時躬督之自文廟而明倫堂而
門廡亭閣祠廡以次修理材碩而堅匠良而勤撤蠹振
撓正其欹側築削至塹精密固完雖規度無改而壯麗
倍昔比永濟觀還瞻覽宮牆則翼然煥然矣嗟乎國家
取士以科目而養士以學校泮水橋門固土所繇以顯
於世迨宦成而歸第斤斤祿賜之美治臺沼以自娛或
飾佛老之祠以徵福鼓篋舊地視若傳郵者有之乃兩
王君獨不爲彼而爲此其賢於人何如也夫永嘉海濱
鄒魯鄉校固才藪也自茲彬彬連茹蜚英樹駿安能忘
兩王君而永濟忝長吏不勞而觀其成抑又幸矣工竣
於甲辰八月二十三日約計銀三百兩有奇司諭郭君
廷梅沈君應明司訓張君其綱張君良心暨諸生榮九

思王瑞柏等請勒石永濟謹記其槩俾
昭示於不朽云萬曆三十二年十月

國朝康熙八年颶風盡拔明倫堂廊廡教諭樊遇諸生黃
象鼎等以學租重建十七年颶風復拔東廊儀門訓導
蔡啟份重建儀門并修路廊巡道高培知縣鄭廷俊皆
捐助十九年又助建省牲所二十一年教諭王維新訓
導蔡啟份暨東廊砌甬道康熙志康熙二十三年知縣申

奇美教諭勞大與訓導蔡啟份邑人林北斗重建先師

廟創朱文公祠

康熙志案乾隆府志康熙間訓導
朱禾雍正年教諭林標重修明倫堂乾隆

隆八年邱肇熊請帑率進士陳王綬等捐建廟廡堂署

并改建崇聖祠置博文約禮雨齋於明倫堂側

乾隆府志邑

人洪勛重新永嘉縣廟學記國家建廟學所以奉聖賢
育俊秀敦教化所係綦重也永嘉學宮自創造以後閱
時久遠屢經修葺屢致損壞緣地偏海濱颶風時作震
蕩摧折以致年來文廟半傾明倫堂全圯前邑侯爲謀
修造估計請帑止五百餘緒費用十不敷三歷任皆畏
縮遲延而不敢舉二十餘年以來竟致荒蔓矣癸亥春
江右邱公來涖茲土謁聖之後瞻顧躊躇慨焉太息卽
思所以新之爲帑金難於請益因延甌之紳士於庭立
簿勸輸先自捐清俸爲之倡時邑進士陳君王綬欣然
効之衆皆相率量力樂輸約計千有餘緡更得觀察郡
守諸上官本學兩師長互相捐助復計鄉隅紳士逐漸
捐輸爲事可舉遂擇日鳩工庀飭期年而廟與兩廡得
煥然一新又因崇聖祠舊制低小隘狹不稱前殿更重
建之嗣是而明倫堂亦擴前制而加高廣其東西階上
一爲博文齋一爲約禮齋係士子肄業之所自明倫堂
頽而胥斗相引雜處穢褻不堪悉迸之去并得廓清以
復舊規至於祠宇亭館學師衙署之屬一皆次第畢舉
不第與所久廢抑且增所未備其規模之壯東南之學
莫能過矣我朝自定鼎以來重熙累洽人文蔚起吾
甌素稱小鄒魯山川之勝扶輿磅礴泓清演迤自昔理

學文章哲匠接時迭出皆不下於諸郡邑近世以來寥
落而不復振良由斯文根本之地不能整飭而司土者
亦漠視其事而不能爲地方培植振作也前府學被灾
郡守莊公力請重建爲士子計其意良殷今縣學久圯
復得邛公殫心修造而堅塗護丹氣象巍煥俾得上祀
先聖下養士子相與習禮講學於其地將文教日盛德
行日興所謂親師樂友之道化民成俗之方可以媲美
盛時踵徽前代莫重於此矣然則是役也邛公所以加
意於吾國之士誠深且厚終不可忘不可泯也公名肇
熊江右宜黃人由進士爲令性仁厚操廉潔有明達之
識以佐決斷之才故所在多惠政洎永四年百廢具舉
廟學之建視郡學爲更勝當日出力贊襄者廣文虞公
元枋陳公錫圭皆工將竣而去繼署學事則郡學廣文
吳公元會盧公垣瑞安學廣文陳公世修平陽學廣文
葉公聯芝新任本學廣文吳公遐年皆遞相經理廟學
經始於乾隆八年癸亥冬十月落成於十一月丙寅夏
六月首事協力者孝廉彭君子需邵君灝林君際遇明
經王君世灼梁君春文學蔡君宏勲吳君文煒邵君家
植王君應銓陳君光箴光第光筠肯堂作枚文龍黃君
欽選張君應龍蔣君壽穀總其事者明經邵君世祿也

若當事紳士樂輸之數除帑金外計二千餘緡皆另碑
鱗勒以志一時尙義之盛亦不可忘不可泯也時乾隆
丙寅孟秋日三十六年知縣傅永綽倡捐重修建文昌閣於

學西

知縣傅永綽重修永嘉縣學廟記 甌濱海多溼多

隆癸亥年釀金重新之規制宏甲於兩浙乾隆丁亥
颶風作復毀觀察李公時任郡守下其議於縣聚紳士
謀所以爲之倡紳士踴躍相勸共輸金若干壞者易之圯
者建之漫者朽之既固既飭視昔有加復以其餘力建
文昌閣於縣學之西於是二學之規模大備觀察李公
勒其事於府學矣命余就縣學記之於戲善之不可以
不繼業之不可以不修有如夫易曰不遠復無祇悔
書曰厥修乃來夫士之學亦若是已矣方今聖學昌
明文治日新山陬海隅莫不向學況甌固素稱小鄒魯
也宋明諸君子道德文章炳於志乘而繼之者不少概
見何也志不立焉耳人之性非生而壞嗜欲溺之外誘
歟之壞矣然而乍見之惻隱嗷蹴之良心平旦夜氣幾
希相近無不可修有志者早覺之於將壞之時反之於

始壞之日不畏難不苟止去故而更新則壞者可復不
壞者可固也惟自暴自棄甘即於壞或因循苟且坐待
其壞斯無可如何耳先王立學所以教人各修其壞以
復其性也修之道奈何亦曰復其故而已矣夫濁晦之
氣如海外誘之撼如風嗜欲之溺如溼一旦覺悟如新
克治不怠加修改過以去其腐壞遷善以復其舊觀赫
絢以新其面目擴充以去其規制學既成矣因其為實
發為輝光巍乎煥乎可以淑身可以善世大道之否塞
畢開聖賢之體用具足而學於是為大備矣有志者事
竟成不其然與雖然知其美矣苟無大力者以振之則
人不悟已悟焉或承之不力而為之無序則亦不足以
知其美生其悟而復承之以力為之有序學之成可操
券得也故夫隨波逐流者壞之媒也因陋就簡者修之
賊也察其機以致其決明之則也踵其事以增其華功
之倍也夫為學亦若是已矣二學既成觀察李公既以
大力振之於始矣余與諸紳士敬承其後幸不廢墜因
於落成之日而通其理於學以嘉慶初巡道李鑾宣知
記之乾隆三十六年仲夏日

縣巴哈布倡修殿廡

湯按舊志佚今據楊兆鶴記補

十一年知府楊兆

鶴署知縣黃友教踵修崇聖祠鄉賢名宦祠及齋室儀

門并葺青雲館奉朱子碑像

知府楊兆鶴重修永嘉縣學記温州治永嘉永嘉晉

名郡至唐籍為縣其山川靈氣積古未泄直蜿蜒於晉
宋齊梁陳隋唐五代至宋而始一發其時禮樂輩起號
稱永嘉關閩漣洛視若儕輩雖永嘉之目前沿乎晉亦
徵斯邑人物之茂而郡之弁冕也故永嘉雖縣其學常
與郡等學起宋元祐居華蓋山麓遞元及明時圯時修
俱應時志至我朝聖人首出繼繼承承學校之
澤不棄蠻陋玉環拳土懸甌海外向遙被天光規撫類
璧俎豆之薌薰染島瀛況永嘉杞梓茂林日露照沃術
序之風益其造諸甲子夏余來守斯土其明年黃君友
教署永嘉令時郡邑二庠壞於颶風經前觀察李公暨
巴令勅修大成殿兩廡外概未之及謀所以踵成之迺
請於兵備使者陳公公曰善於是邑之韋素咸歡斯舉
考財量石無輟風雨若崇聖祠鄉賢名宦祠復如舊制
其博文約禮兩齋及儀門次第觀成并葺青雲館奉新
安朱子碑像擇日令率邑之士釋菜於堂告成事焉
余惟邑之風俗觀其所務寺觀盛而梵誦之化流臺榭

飾而游觀之跡多田廬治而稟粒之務閒市閭修而刀
錐之行細覽其華實厥俗粲然今斯學之重舉販夫牧
豎羣舞蹈之不淹歲月而文明相輝接於衢路此以見
風俗之美人心之淳正聖賢之澤流世不衰而我朝化
醴頒二百年日寢月沃治人深也彝器在筵禮容不設
歌鐘懸列雅訓無聞雖飾橋門盾之鞠草余猶願青衿
之輩衣履道德追步昔人志氣奮發風會以開則理學
踵起戴號永嘉上谷聖人械樸之化下表諸邑翹薪
之美肯不優與學經始乙丑四月日越十有二月日落
戎其諸助緒與董其役者概書砥背以存同志云嘉慶
十一年
道光六年神曾佩雲喬雲捐資重建
八月
建永嘉縣儒學記國家右文興治自國都以達州邑海
隅障塞四方萬里之遠莫不建學立師弦誦之聲相聞
聖天子蒞極廣厲學官嘉與宇內臻於斯路多士咸
觀感興起兩戊歲余奉命視學浙省案試十一郡所
至祇謁聖廟周殿延省禮器有廢缺不舉者令所司以
時飭治務俾如制時則有溫郡永嘉縣紳曾佩雲及其
弟庠生喬雲以縣學就圯捐貲修建具牘上余亟獎許
之乃遂度材鳩工首大成殿殿聖宮次兩廡次名宦鄉

賢祠皆撤而新之又崇大其列戟櫺星之門葺完其會
講肄業之堂又自列聖賜額從祀栗主下逮几筵之
屬髹彤藻繪皆復舊觀工蛟日郡縣上其事於臺使者
核實以聞敕部議叙會佩雲以布政司經歷銜因具其
品封典加級諸雲給了布政司經歷銜因具其事而請
記於予將勅諸石余維佩雲喬厠身士林懼學校弗
治無以宏美富肅教化爰出私藏以新廟制非敢有所
冀也乃得上邀甄叙寵秩有加於以見聖天子敦崇
儒術激厲人材雖在偏陬無微不錄聞斯舉者有不互
相告語踴躍躍濯磨以副作人之大化哉是役經始於道
光六年四月落成於七年九月佩雲輸銀三千兩有奇
喬雲輸銀五千兩董之者郡守高際盛縣令張久照教
諭孫同元訓導朱美鏐各捐俸重修訓導海鹽朱美鏐
諭孫同元訓導朱美鏐各捐俸重修訓導永嘉縣儒學
記聖廟大成殿大成門道光丙戌職員曾佩雲喬雲重
建餘皆仍其舊閱十七年而瓦漏牆傾木料朽壞丁祭
行香幾無行禮更衣之處因商於明府高崧雲教諭孫
同元創捐廉俸紳士助之迺重為修葺首大成殿大成

門次易櫺星門旁之柵以牆泮池橋闌以磚官廳重建
前楹木石佈置楚楚餘自崇聖祠兩廡宮牆名宦鄉賢
祠旁及明倫堂博文約禮兩齋青雲館土地祠頭二門
照壁等處築傾者易朽者丹雘樸斷煥然一新集捐銀
三百五十兩共用四百六十兩有奇入不敷出美鏐董
偉償之繼始七月二十二日工竣十二月十日美鏐董
其役因紀二十六年颶風毀壞二十八年知縣張銑倡
率紳士董正誼重修大成殿司事方正寅陳承暄陳杲

東孫自勵等勸捐助之湯志（浙江學政吳鍾駿碑記）

宋王景山為濂洛先聲由是元豐九先生道熙六君子
俱以道德性命傳程朱遺緒此王忠文所云誼理之學
甲於東南筆橫渠口伊洛者紛如也而登進士科者一
榜無慮數十登賢良方正宏詞孝廉諸科姓名可考者
三百餘人以爲人材科目卓絕他郡何其盛哉雖然予
更有進嘗謂儒術無他經術而已舍經言儒未有不疏
入二氏者經術之壞一壞於晉之清談再壞於宋之理
學元明以來此道寢晦我朝昌明正學尊崇漢學不

廢古訓 國初三惠之學盛於吳中江明經戴太史繼之於歙至錢少詹王光祿江徵君段大令等益廣厥傳千載沉寢一朝復旦蓋兩漢經學所當尊行者以其去聖未遠而在二氏未起之前也永嘉自儒志編始創講學然其言主於修己治人初無所謂理氣心性之微妙也葉文定之述學也謂周恭叔首闡微言鄭景望交修言行薛士龍遠稽王制陳君舉洞察利弊是永嘉之學本未嘗襲性理陳言拾語錄語類之糟粕以附會程朱學者幸生其後將精研小學博綜羣經守兩漢之師承知後世儒林道學分傳之非實事求是斯真六藝文章之府其餘學術奚啻迥出宋元明諸儒而上而區區科目之盛衰又曷足計數哉予兩視浙學以校士四至東甌愛其風土近古庚戌冬案試時適紳士以重建縣學落成屬予記之如右工經始於道光二十七年九月吉成於咸豐 同治十一年署教諭許文琳勸捐重修邑人葉茂繁等合力成之

知府裕彰重修學記道光二十六年縣學壞於颶風正殿則董氏學

山學會出資重修明倫堂則孫自勵等合衆力而成之迄於今三十年矣殿之西北隅勢將圯外而名宦鄉賢

二祠明倫堂戟門等處上兩旁風覆壓過半非所以昭
崇敬也同治辛未四月余奉簡命來守是邦愍焉傷
之而經費維艱屢請不果邑人葉茂繁急公爲倡衆股
和焉乃構良材勾羣匠諏吉日次第舉行告成事焉始
於同治十年九月迄工於十一年七月率屬行釋菜禮
以落之學者咸額手相慶以爲美觀余曰此獨美觀也
與哉夫黜堊丹漆致飾於外者也村美工良堅持於內
者也諸生等幸生明備之時將飾於外以庠序爲榮身
之所已乎抑將持於內以鄉前輩爲準的必漸至於聖
賢之域而後已乎嘗考永嘉之學有宋王儒志先生開
伊洛之光厥後名賢輩出或以節義顯或以文學傳或
以經濟著崇祀鄉賢爲後世矜式昔何以盛今何以衰
振而興之一轉移間耳願與諸生爭自濯磨無沈溺於
頹靡之習並身心學問而俱新之以爲我國家棟幹
之儲有志者事竟成安見古今人
不相及哉師資不遠跂予望之

今學制中爲大成殿翼以兩廡後爲崇聖祠前爲大成
門門外左名宦祠右鄉賢祠前櫺星門又前泮池左右

戟門繚以周垣殿西爲文昌閣東爲明倫堂堂後教諭署堂左青雲館兩廊爲博文約禮齋前爲儀門門外土地祠訓導署在儀門左

文廟位次

至聖先師孔子

正位
南嚮

東配復聖顏子 述聖子思子

西配宗聖曾子 亞聖孟子

東哲閔子損 冉子雍 端木子賜

仲子由 卜子商 有子若

西哲冉子耕 宰子予 冉子求

言子偃

顓孫子師

朱子熹

東廡先賢

按先賢先儒東西位次謹遵同治二年奏定新章

公孫僑

咸豐七年祀

林放

原憲

南宮适

商瞿

漆雕開

司馬耕

梁鱣

冉孺

伯虔

冉季

漆雕徒父

公西赤

任不齊

公良孺

公肩定

鄒單

罕父黑

榮旂

左人郢

鄭國

原亢

廉潔

叔仲會

公西與如

邽 異

陳 亢

琴 張

步叔乘

秦 非

顏 噲

顏 何

縣 亶

牧 皮

樂正克

萬 章

周敦頤

程 顥

邵 雍

西廡先賢

蘧 瑗

澹臺滅明

宓不齊

公冶長

公皙哀

高 柴

樊 須

商 澤

巫馬施

顏 辛

曹 卹

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西蒧

顏之僕

施之常

申枏

左邱明

秦冉

公明儀

咸豐三年祀

公都子

公孫丑

張載

程頤

東廡先儒

公羊高

伏勝

毛亨

同治二年祀

孔安國

后蒼

鄭康成

許慎

光緒二年祀

范甯

陸贄

道光六年祀

范仲淹

歐陽修

司馬光

謝良佐

道光二十九年祀

羅從彥

李綱

咸豐元年祀

張栻

陸九淵

陳澧

真德秀

何基

文天祥

道光二十三年祀

趙復

金履祥

陳澧

方孝孺

同治二年祀

薛瑄

胡居仁

羅欽順

呂柟

同治二年祀

劉宗周

道光二年祀

孫奇逢

道光八年祀

張履祥

同治十年祀

陸隴其

張伯行

光緒四年祀

西廡先儒

穀梁赤

高堂生

董仲舒

劉德

光緒三年祀

毛萇

杜子春

諸葛亮

王通

韓愈

胡瑗

韓琦

咸豐二年祀

楊時

尹焞

胡安國

李侗

呂祖謙

袁燮

同治七年祀

黃榦

蔡沈

魏了翁

王柏

陸秀夫

咸豐九年祀

許衡

吳澄

許謙

曹端

咸豐十年祀

陳獻章

蔡清

王守仁

呂坤

道光六年祀

黃道周

道光五年祀

陸世儀

光緒元年祀

湯斌

道光三年祀

崇聖祠位次

肇聖王木金父公

正位中

裕聖王祈父公

正位中左

詒聖王防叔公

正位中右

昌聖王伯夏公

正位次左

啟聖王叔梁公

正位次右

東配先賢

孔孟皮

咸豐七年祀

顏無繇

孔鯉

西配先賢

曾點

孟孫激

東廡先儒

周輔成

程珦

蔡元定

西廡先儒

張迪

朱松

樂章

謹按欽定直省文廟樂譜有簫譜有笛譜簫譜以伋為清羽變宮伋為清商伋為清角伍為清

變徵伋為清羽變宮伋為清商伋為清角伍為清羽變徵伋為清

羽笙準之春秋二調同

春以來鐘清商立宮 倍應鐘清變宮起調

迎神

樂奏昭平之章

簫譜

大侃哉侃孔侃子侃

先侃覺侃先侃知侃

與侃天侃地侃參侃

萬侃世侃之侃師侃

祥侃徵侃麟侃紱侃

韻侃答侃金侃絲侃

日侃月侃既侃揭侃

乾侃坤侃清侃夷侃

初獻

樂奏宣平之章

簫譜

予侃懷侃明侃德侃

玉侃振侃金侃聲侃

生侃民侃未侃有侃

展侃也侃大侃成侃

俎侃豆侃千侃古侃

春侃秋侃上侃丁侃

清侃酒侃既侃載侃

其侃香侃始侃升侃

亞獻

樂奏秩平之章

簫譜
笛譜

式伋禮伋莫伋愆伋

升伋堂伋再伋獻伋

響伋協伋鼓伋鏞伋

誠伋孚伋鬯伋獻伋

肅伋肅伋雍伋雍伋

譽伋髦伋斯伋彥伋

禮伋陶伋樂伋淑伋

相伋觀伋而伋善伋

終獻

樂奏敘平之章

簫譜
笛譜

自伋古伋在伋昔伋

先伋民伋有伋作伋

皮伋弁伋祭伋菜伋

於伋論伋思伋樂伋

惟伋天伋牖伋民伋

惟伋聖伋時伋若伋

彝伋倫伋攸伋敘伋

至伋今伋木伋鐸伋

徹饌

樂奏懿平之章

簫譜

先

仕

師

仕

有

仕

言

仕

祭

仕

則

仕

受

仕

福

仕

伍

四

仕

海

仕

贊

仕

宮

仕

疇

仕

敢

仕

不

仕

肅

仕

伍

禮

仕

成

仕

告

仕

徹

仕

母

仕

疏

仕

母

仕

瀆

仕

伍

樂

仕

所

仕

自

仕

生

仕

中

仕

原

仕

有

仕

菽

仕

伍

送神

樂奏德平之章

簫譜

鳧

仕

釋

仕

我

仕

我

仕

洙

仕

泗

仕

洋

仕

洋

仕

伍

景

仕

行

仕

行

仕

止

仕

流

仕

澤

仕

無

仕

疆

仕

伍

聿

仕

昭

仕

祀

仕

事

仕

祀

仕

事

仕

孔

仕

明

仕

伍

化

仕

我

仕

蒸

仕

民

仕

育

仕

我

仕

膠

仕

庠

仕

伍

元陽集卷二 樂譜

秋以南呂清徵立宮 倍仲呂清角起調

迎神 樂奏昭平之章

簫譜 大仕哉仕孔仕子仕先仕覺仕先仕知仕

與仕天仕地仕參仕萬仕世仕之仕師仕

祥仕徵仕麟仕紘仕韻仕答仕金仕絲仕

日仕月仕既仕揭仕乾仕坤仕清仕夷仕

初獻 樂奏宣平之章

簫譜 予仕懷仕明仕德仕玉仕振仕金仕聲仕

生仕民仕未仕有仕展仕也仕大仕成仕

俎仕豆仕千仕古仕春仕秋仕上仕丁仕

亞獻

樂奏秩平之章

清伋酒伋既伋載伋其伋香伋始伋升伋

簫譜

式伋禮伋莫伋愆伋

升伋堂伋再伋獻伋

響

協伋鼓伋鏞伋

誠伋敷伋馨伋獻伋

肅

肅伋雍伋雍伋

譽伋髦伋斯伋彥伋

禮

陶伋樂伋淑伋

相伋觀伋而伋善伋

終獻

樂奏敘平之章

簫譜

自伋古伋在伋昔伋

先伋民伋有伋作伋

皮

弁伋祭伋菜伋

於伋論伋思伋樂伋

惟

天伋牖伋民伋

惟伋聖伋時伋若伋

藝伋伋伋倫伋伋伋攸伋伋伋敘伋伋伋至伋伋伋今伋伋伋木伋伋伋鐸伋伋伋

徹饌 樂奏懿平之章

簫譜笛譜先伋伋伋師伋伋伋有伋伋伋言伋伋伋祭伋伋伋則伋伋伋受伋伋伋福伋伋伋

四伋伋伋海伋伋伋費伋伋伋宮伋伋伋疇伋伋伋敢伋伋伋不伋伋伋肅伋伋伋

禮伋伋伋成伋伋伋告伋伋伋徹伋伋伋母伋伋伋疏伋伋伋母伋伋伋濱伋伋伋

樂伋伋伋所伋伋伋自伋伋伋生伋伋伋中伋伋伋原伋伋伋有伋伋伋菽伋伋伋

送神 樂奏德平之章

簫譜笛譜鳧伋伋伋繹伋伋伋義伋伋伋義伋伋伋洙伋伋伋泗伋伋伋洋伋伋伋洋伋伋伋

景伋伋伋行伋伋伋行伋伋伋止伋伋伋流伋伋伋澤伋伋伋無伋伋伋疆伋伋伋

聿伋伋伋昭伋伋伋祀伋伋伋事伋伋伋祀伋伋伋事伋伋伋孔伋伋伋明伋伋伋

化仕仇我仕仇蒸仇民仇育仕仇我仇膠仇庠仇

名宦祠依乾隆志錄入而訂正其位次

齊蕭景吳曾宋仰仁謙霍蠡元王安貞

趙搭納明梁瑀李琰潘慶周紀

黎存信卓越文林劉遜林廷璫

汪循彭占祺方升周琬

李丕顯朱潤齊譽陳其志

國朝馬堦

按舊志止二十四人今名宦祠神位明則有張致能周敘白濬王之屏楊翬劉三宅沈一德莊廷臣戴相國朝則有王世顯邱肇熊張可大夏光遠戴源永朱珪史致儼張麟李倫通不知何時奉文附識於此

學宮

鄉賢祠

依乾隆志錄入而訂正其位次

宋

陳侃

王開祖

丁昌期

周行己

劉安節

劉安上

王公彥

仰忻

吳表臣

張輝

薛弼

薛嘉言

沈躬行

鮑若雨

林季仲

張闡

蔣元中

薛徽言

鄭伯熊

蔣行簡

薛季宣

張淳

王枏

薛叔似

葉適

戴溪

徐瑄

戴栩

周端朝

陳埴

葉味道

陳昉

吳滌

戴侗

林武

翁巖壽

陳虞之

胡子實

元

繆主一

季完澤

明

王齋

梅頤

黃淮

朱謐

潘畿

方以正 鄭璘 朱良暹 李永本 楊思敏

周旋 葉挺 黃祿 王瓚 張漢

朱文簡 張孚敬 項喬 孫滄 葉式

王健 王德 王叔果 葉承遇 張遜志

張遜業 王叔杲 葉世德 朱邦彥 陳堯言

王維夔 周應期 張天麟

國朝謝包京 謝天埴

按舊志止七十五人今鄉賢祠神位朱則有戴述陳
騫飛王允初陳大紀戴蒙徐寓林一龍李仲意王致
遠陳宜中陳自中元則有金德潘養頤明則有張文
選劉清林補張純侯一元王光蘊王繼明張汝紀劉
康祖翁家春王光經項維聰王光美王述周尙文邵
倬林必成何白不知何時增入而侯一元何白皆樂

清人亦係誤入附識於此

學額 廩生二十名增廣生二十名歲貢間歲一人入學

原額文生二十五名武生十五名撥入府學無定額咸

豐六年奉 旨加廣永遠文武學額各一名同治四年

以上捐輸奉 旨加廣永遠文武學額各二名又蘇閩

兩省八九次米捐案內奉 旨加廣文武學額各五名

同治七年奉 旨永嘉縣紳民團防力保危城案內加

廣永遠文學額四名武學額二名

按今文學額三十七名武學額二十五名

學田 明正德間有塗田一百二十八畝六分坐二十二

都民田一十七畝坐二十四都山田一十二畝坐十九

都見正德四年永嘉縣學圖碑道光以後存民田四十四畝六分七

釐坐近江三十五都三十六都塗田三十畝零一分五

釐坐八都又塗田三十畝又二十八畝每畝俱折錢完

租見永嘉縣志

射圃 在東山下舊小教場

書院

東山書院 舊在華蓋山上按故址在今雙忠洞左宋王儒志先生

講學處明嘉靖十二年毀於颶風三十一年知府龔秉

德重建邑人孫昭重建東山書院記宋皇祐賢良王儒志先生退居於山設塾講學席下常數百人故

世稱東山書院云迄今凡六百有餘歲乃嘉靖甲午風

風起於海上其地遂為荒墟無有新之者壬子春鴻州

書院

龔公以名御史出刺是邦宿垢藏穢首刷陳服正衷敷勤期月辦理民不間勾督之擾士不聞刁斗之驚公得以廓高明之觀追往哲之迹乃登東山披剔草萊率親故址輒興歎曰吾聞儒志先生倡明理學於濂洛未作之先有功於名教捧頌其餘編曰復者性之宅也無妄者情之原也曰學者離性而言情奚情之不惡皆以關宋儒未發之與其末章曰由孟子以來道學不明吾欲追述至道論文武之治杜淫邪之路闢皇極之門吾畏諸天者也吾何敢已哉卓然以斯道爲己任孟子之後一人而已人遠而理在居圯而地存苟知之而復墟莽豈所以化吾人之意哉且聖天子命吾以脩圉之寄匪以歛合貨賄乎治刑辟已也將以行吾所幼學俾斯人以敦讓崇義祛邪整習以若於道凡祇示之常足以陰寓激率之義以助吾風教之所不及者咸宜悉力枚舉矧儒志先生崛起於聖學頽靡之後獨揭心得發明經蘊以開詔來學正濂洛諸君子所當心服而神宗之者不因故址而新之何以聚精廕而崇景仰也乃捐俸檄永嘉令周君岱經度其事命移鄉賢石像寘於前楹選諸生暨先生裔孫輩肄業其中門堂樓廡煥然一新公餘與諸生橫經而講鼓琴而歌衍河汾之派溯洙泗之源

示正鵠之求慎雕蟲之戒屬邑旁封有志向方者不遠
數百里而來思各以其見而取裁焉蓋以儒志先生曠
世以相感異時而同率也願為記
其事於山石以告夫繼公而理者

國朝雍正十年巡道芮復傳移建於城東南積穀山麓卽
今址也地爲謝靈運故蹟傍山築舍依石爲門有講堂
廨舍爲肄業地前繪靈運像內祀儒志先生左建文昌

閣通志雍正七年巡道王欽福建康樂祠三間九年巡
道芮復傳捐俸千金購民地闢爲書院由謝祠入徑

顏曰名教樂地中爲閑存堂三間後爲靜虛齋齋西爲
進修軒軒前有池池上屋三楹題曰塵襟可滌入門峭

石壁立上有天泉樓榭廊廡齋舍庖湫具備次年落成
又於山巔建大觀留雲二亭復捐置塗田二頃供諸生

饌膳芮復傳積穀山書院峰頂留雲亭碑記積穀山
之建留雲亭記者謂亭當郡巽位宜壯麗以收王氣而

余之意則又在於書院也按積穀山一名飛霞因東漢
劉根隱此乘赤霞至天台訪紫靈君得名書院不以積

書院
三

穀名而以東山名者仍舊額也余既拓書院基構講堂
瀆池關軒環築書舍延師以課兩郡來學之士公暇與
諸生考論久而不倦山之勝甲一郡而書院坐收之千
巖笏時一水虹繞秀木美箭森蔚檐際又有仙泉出於
巖巖石穴旱不涸雨不溢近學士李公清植校士東甌
大加激賞以爲紹鵝湖之石井云第迫於地無舒眺處
山頂向有亭名留雲後改東柄久壞於颶風余因謀重
新之以補書院之缺書院距亭不百武夾道皆松盤折
而上嶺半構飛廊於巖隙周以曲檻爲駐足地面西山
日色不下得衆木之蔭也亭堅緻與大觀亭相仿而山
之幽奇過之諸生當風日清朗時陟其巔四望心胸洞
然凡江山之流峙雲物之變幻足以洗滌塵襟使器識
益高明義理益沈實惟茲亭之助故曰補缺昔朱子於
武夷白鹿皆擇山水最佳處豈無意哉茲役後書院二
載亭仍古名易今名書院計費錢五十萬亭約四之一
皆出自俸餘不以擾民吾恐後之人以吾效謝公遊屐
故揭而書之嚴睽東山書院詩環林疊嶺聳層臺下
抱連荷講席開曲徑玲瓏儲秀氣疎窗窈窕屏氛埃宵
沈玉漏吟聲徹曉映牙籤翠色來鄒魯遺風猶未墜於
今追琢日多材朱葉瑛東山書院雜咏翠壁凌虛一壁

峭如屏屏上嵐光接杳冥相對不知春已去春山只似
夏山青石磴一卷突兀當階立屏絕巉巖作四平豈是
巨靈施最賦天工琢削便天成仙泉石上仙泉一勺多
盤螺屈曲水盈科只疑便是仇池穴小有天通此地麼
鏡池池水清渾未有期風來風定雨無乾隆二十年巡
時此間自有仙源出長把天光似鏡池

道朱椿興修二十四年巡道徐綿知府李琬知縣崔錫

次第重修建掬月亭於山麓并增置塗田以為諸生膏

火乾隆府志徐綿興復東山書院序余奉簡命觀

挹之餘見夫農安其末工世其業商不誠途蓋負山襟

海之區久已涵濡聖澤歌舞康衢矣士者民之表率

也乃進膠庠而問之則撲僂多而炳蔚或不稱無以輔

誠美而或併無以存其質也余滋惑焉山左蓮塘李君

先余來守甌郡余諮度之固已先有是心思為振勵謂
東甌向有東山書院宋儒王儒志倡學於此人材鴻懿
號稱小鄒魯明季以來師資漸失其傳又為嶺海所限

士不負笈業苦拘墟今將鼓舞之非興復書院不可江
海不負笈業苦拘墟今將鼓舞之非興復書院不可江
據特其洄瀾無常不可以入編籍若以江海自然之利
充國樂育之資是則攸宜余深允而亟趨之今茲一
載有餘曾田計粟綜要治凡約得師生膏火之資著焉
成規以垂後既為各憲所嘉予而於予心亦有深慰焉
夫書院者或以擬於家之塾黨之庠而其益實不止此
也民之秀者能為士今將拔一郡中士之秀者而聚而
教之則雖止此數百人苟得一郡中士之秀者而聚而
於師氏將見一邑規言矩行而一里薰陶其德一士學
禮敦詩而一邑超步其風其所及者又豈止一家一黨
而已耶今諸生之在書院者必將濯磨砥礪為明體達
用之儒彬彬乎質有其文上可以備國家論才之選
而不以僻處一隅甘域於自鄣之風是則予與良守之
所深望也夫季琬序書院者所以輔學校之不足也
古者家有塾黨有庠州有序國有學其教之者衆而習
之也親故教化易行而人材懋後世州郡立學校其尤
者而升之選登其籍課其藝而甲乙之其於羣萃州處
之益耳提面命之方尚有缺焉唐宋以來始有書院嵩
陽嶽麓白鹿應天為四大書院而鹿洞鵝湖為朱陸講

學之地自是以來時有建立然猶未廣也我朝直省
各立書院給發帑金以資膏火於是鴻儒碩彥皆出其
中褒然舉首蔚為國華猗歟盛哉其他州郡亦或創或
因文教休明同風一軌東甌澳海之區宋儒王儒志先
生倡學東山元豐淳熙間號稱小鄒魯有明以來院建
華蓋峰之巔年久傾圯今東山書院乃前道憲芮公創
於積穀山之麓而仍儒志之名然而阜比之座虛懸堵
牆之觀闐若絃誦無聞科名不數不殖將落能無懼乎
余於丁丑夏奉命來守是邦職任風土竊以振勵人
才為急務越明年今道憲三韓徐公來巡國枯命余纂
布之迺為之周諏經畫詢之邑宰紳士咸以江海之中
有沙塗淤漲可資經費雖浮漚聚壤莫非天地自然之
利與其為桀黠者所攘何如剔抉之以為樂育之資申
請大憲咸以為可因即酌定師生官役各費勤為成規
申明凡例更進諸生而告之曰書院之設非徒以鑽取
妍華侈張聲譽如終南捷徑北山草堂也夫成材之道
為學之方古人具言之矣或因經以明道如濂洛關閩
諸賢或因文以入道如昌黎廬陵之選今之書院亦欲
諸生因文以見道也自坊本流傳競趨風氣經史遂成
僻書典籍度之高閣胥井無泉枯枝不盡言之無文行

何以遠故必扶經之心綜史之蘊乃久之則義理日新
而其於善也如芻豢如膏粱志氣日定而其於不善也
如猛虎如鴆酒杜武庫所謂優而柔之使自求之至於
渙然冰釋怡然理順則文在是而道亦在是矣由是發
為文章秩秩枚枚又何患青紫之選黼黻之才者匪異人
必有所以備國家用所以備國家馳驅之選黼黻之才者匪異人
任前輩如梅溪水心其經濟文章又豈不同條而共貫
耶然則諸生果能自離經辨志以至於強立而不返處
為醇儒出為偉器亦即守土者所以仰答道光十年巡
簡界之職於萬一爾予茲有厚望焉

道賈聲槐署知府呂子班倡捐率紳士重修學宮之立

所以講明道術成就人材唐宋以來設書院亦稱學之
遺意也溫郡書院有二中山為官學東山儒志先生王
景山創立數百年間屢次修葺道光丙戌冬余觀察來
既至書院講課因捐廉稍資膏火從學者日益余庚寅
夏永嘉明經葉君應宿司事鄧生承弼以東山堂柱齋
壁多欹朽將傾圯謀所以修之余與太守高公署守呂
公各捐俸為之倡郡邑人上欣然樂助庀材鳩工四踰
月告竣請予一言為記夫余與諸生講課者文也文以

明道而學分真偽其曰覺曰悟自謂識認心之本體而不窮理以致知者陽儒陰釋既久假而不歸博覽記誦之儒遂未遺本亦多泛濫而無心得至揣摩舉業務采色誇聲音以弋取科名而理學經學視爲迂遠而弗求文卑則學就荒矣爲學者當以孔孟程朱爲準則主敬以立其體存誠以達其用博以聚之嚴以擇之密以守之篤以行之因文以見道而實踐於日用倫常進退取予動靜云爲之間庶不乖於正焉余粗知其意而行有未逮今來歐四載未能興利除弊上以報國恩下有實惠於民徒與諸生論文言之滋愧行將自引去無可爲法惟望諸生以古聖賢爲師致知力行不徒托諸空言且汝鄉景山先生既爲儒志編流傳繼起者如鮑商霖陳潛室諸君子從學洛閩著述具在他若止齋水心梅溪諸先生文章經濟亦卓然不磨高山仰止豈在遠乎同治二年巡道周開錫以膏火入中山書院而東哉

山月課遂廢纂

新

中山書院 在府治東北隅乾隆二十四年知府李琬興

建因東山書院地形卑隘乃以其舊舍爲童子學別建

於今址傍中山之麓名曰中山書院

共基地十畝二分紳士陳肯堂金珍

李敷華方純一王繩武監造

前建講堂七間中曰精勤右曰大雅左

曰修道上爲閣祀文昌右樓五間左樓十間爲肄業地

左右耳房各三間廚房夫役房十餘間傍山鑿池作三

亭爲游憩之所延師立教以朔望爲課期勒所置田於

碑陰委訓導朱葉瑛監理生員方純一王繩武司其事

督學侍郎錢維城中山書院碑記名有異而實同說有是而實非不可不察也古者國有學術有序黨有庠家有塾皆學也今郡縣各有學京師有太學皆官爲給食或賜田太學則有膏火郡縣學則有廩糧有學租以贍貧乏國家養士之厚如此而賢有司之畱心教化者往往擇高第弟子員與民之俊秀別立舍以教之名曰

書院書院與郡縣學其教一也所謂名異而實同者也
癸未秋予試士溫州閱郡志見李維楨郡學記曰周公
立學科條備矣孔子家在洙泗士就而學焉非創為室
也俗儒不察別立書院召致生徒舍官師而惟是之從
於是國有二師里有二弟子夫孔子未嘗創學室是也
而以書院之設為國有二師非也教不本於先聖先師
而流於異端曲說雖以一一人為之猶二師也不然雖千
百人猶一師也維楨蓋惡夫當時王畿李贄之流而不
知其立說之過此不可不察也溫州舊有東山書院在
華蓋山雍正壬子巡道芮君復傳移建積穀山未竟而
罷今巡道鐵嶺徐君太守對城李君力與復之別擇地
中山鳩工庀材逾半歲工畢名曰中山書院而以東山
故址為童子學凡舊田之為吏民所隱者釐而出之於
是有學舍寡饋五縣之士絃誦其中旁及他郡嚮風而
至可謂盛矣夫教化治之先務而俗吏忽之宋光廟時
謝司諫守永嘉下車數月責民之私公田不應令者歸
之學闈郡驚歎陳傳良記之謂吏方急他務而謝獨加
意學政以為難今二君之為治其與司諫何如也惜郡
志不載謝守事而予又無傳良之學言不足取重聊以
維楨之說論列之如右

徐綿中山書院題壁記蓋為

政以人材爲先而人材必由造就而始盛此書院之所
以設也國家於省會之區各建書院而郡邑中則視
司牧者之得其人而有以振興之故舉廢恆不一既郡
舊有東山書院在華蓋山本宋儒王儒志先生講學之
所久圯雍正壬子觀察芮公移建於積穀山之麓而經
費鮮資名存實去乾隆丁丑壽光蓮塘李君來守是邦
慨然以造就人材爲己任己卯余承乏分巡君咨於予
而與復焉且置塗田若干畝歲收租以供師生脩饌膏
火之需申請上憲勒爲成規既而兩郡之士負笈來游
者日益衆顧其地僻處城東南隅院址逼於巖麓燥溼
不時君慮其湫隘爰經營相度卜吉於中山之陽中山
雖小阜而山勢合圍水流環繞形家咸謂靈氣所鍾實
郡城之主山於是鳩工庀材經始於壬午之仲春閱十
有二月落成崇閣靚深凡講會之堂肄業之舍俱建層
樓於上左右則輔以大雅修道兩堂後築亭池長松偃
蓋繞徑陰森以爲息游登眺之地而一郡書院遂得雄
美省會之區厥功偉矣余考書院之設昉於唐而盛於
宋而東甌之人材亦莫盛於宋維時游於程子之門十
有三入游於朱子之門十有六人登進士科者一榜無
慮數十登賢良方正宏詞孝廉諸科者於今姓名可考

得三百餘人其他行誼之美學術之光復難更僕數宜
乎虞文靖公目爲杞梓茂林鳳麟靈囿也今功令以五
經四書義取士而傳註悉宗宋儒余願諸生以宋儒之
精粗爲學講明而切究之則經史百家之籍其源流修
肆者也非以之應世固不失萬一於是發爲文章所謂
行遠而垂後以得諸心者見諸事用則施諸人舍則修
諸己將見人材之盛與宋抗衡豈不休哉余故記之以
進諸生且以見李君爲政能知所先凡司牧者皆宜取
法也知府李琬記國郡自宋儒王儒志先生講學東
山創書院於華蓋山之巔道學淵源從茲振起歷明以
來傾圯已盡本朝雍正間觀察芮公建書院於積穀
山之麓而仍東山之名規模畧具俱無師生膏火之資
迄今三十餘載寂如空谷久絕誦聲丁丑夏余來守茲
土竊以振勵人材爲念越明年道憲三韓徐公以巡旌
駐郡亦同此志命予籌畫之余乃清釐舊款撥置塗田
經營三載始得延名師主講席給膏火予既序其事而
以鼓舞造就之意詳而鑄之以示多士顧其地逼城闌
而迫巖址蒸溼秋隘且負笈者絡繹至舍宇數椽不足
以容乃爲周巡相度得爽塏於中山之陽山在郡治之

東北隅高廣不十數武而含精蘊靈氣象寬博羣山環拱大江繞流真有恢擴襟懷領畧衆有之槩土則墳起而澤泉則清駛而甘坐中山而面西山之峰曰君子蓋峰之特秀者乃以經費所贏建講堂五間曰精勤層以高閣軒豁傑朗萬象在目右樓十舍左樓二十舍整潔鱗次其前爲門兩重左右廂各具後蔭長松虬幹鱗枝垂陰振響輔之以旁舍若干間然後自歐及括士之歧踵至者可以稱藏修之所矣夫古者處士就閒燕蓋清遠閒曠之區燕適優游之地可以從容其氣體而專一其心志則學業之成未必不有藉於其地者今也遠嵐霧以安其體居高明以達其志心和形適氣靜神清聰明日以啟而精神日以勵觀摩砥礪進而有成則卽以是爲士所宜處而或可以上紹儒志東山之蹟也第膏火之資恃有塗田恐久之而有侵漏之虞爰細核其籍記之碑陰使後來者有所考以道光十一年署巡道賈不失此日經營期望之意云

聲槐知府呂子班署永嘉知縣傅延燾倡率紳董葉應宿鄧承弼等捐修

湯志教諭孫同元重修中山書院
溫州郡城有兩書院據府志云東

山書院宋王儒志先生講學之所雍正壬子巡道芮公復傳移建積穀山之麓乾隆二十四年知府李琬因東山書院地形卑隘別擇地創建於城東北隅鹿城書院傍中山之麓名曰中山書院而以東山書院為童子學東山望課文即延本邑品學兼優之衿士主講評閱中山主講者向由中丞聘請在籍紳宦溫郡近海路遠不及到館望課文即延監院評閱余以道光丙戌冬銓補永嘉教諭丁亥春暮赴任己丑秋奉委兼理書院事每逢課期赴院監視竊見東山書院依山建屋沾受嵐溼漸有傾圯之虞因與掌教葉君應宿司事鄧君承弼公商上其事於觀察樂陵賈公太守舒城高公署太守陽湖呂公俱允所請捐廉為率不足者衿士助之約用白金千兩有零閱四月而工畢觀察為文立石記之次年庚寅余同年歸安沈君惇成銓補府學教授亦因學宮歲久未修與攝縣事傅君延壽商請道府各捐廉刑議重修即以葉君應宿鄧君承弼董其事設簿勸捐余以中山書院亟宜修葺亦當附學兼修共估工料約須白金一萬一千餘兩府學於道光十一年十月十三日開工中山書院亦於十一月十七日開工府學於十二年二月初六日完工書院於十二年十一月二十三日完

工自講堂大雅堂修道堂並書舍四十餘間及頭門二
門俱一律整治頓復舊規約用白金二千餘兩是雖各
憲美意振興文教不惜廉貲好義紳士踴躍輸將玉成
其美要皆由於葉鄧二君克任勞怨始終勤慎用節工
堅足垂永久其功尤不可沒也余適忝膺監理書院之
職曾參末議樂觀厥成爰誌始末俾鐫諸石以爲後之
實心任事者同治七年署知府戴槃葺而新之勒碑爲
勸是爲記
記戴槃重修中山書院並增廣膏火記東甌之有書院
蓋自宋儒王儒志先生於伊洛未作之先講道東山
倡明理學後人因軀爲東山書院由來舊矣乾隆二十
五年郡守李君琬旣興復之乃更闢地於中山之陽爲
中山書院講會有堂肄業有舍層樓傑閣規制崇闋與
諸生藏修息游於其間所以上游宋儒而紹伊洛之淵
源將於是乎在雖然東嘉之學至宋而極盛遊程朱二
子之門者三十餘人登進士及賢良方正宏詞孝廉諸
科數百人其時固未有書院也而克自振拔如此今既
有其地矣往往狃於記誦詞章之學經史典籍度置高
閣以爲無用或空疎剽竊苟焉博取浮名而已所謂通
經致用者安在宗經立義者又安在無怪自有明以後

繼起者難其人也余下車之始首以培養人材為急今書院房屋歲久失修考試卓堯及一切物用損壞過半乃亟捐廉一百千另籌款三百千重完治之置器具洪纖畢備使諸生住院肄業者有託焉而增廣其膏火於捐局串餘項下每年提錢五百千酌定每月官課生童考列二十名者加給錢一千餘錢百千撥入肄經堂按月加給膏火以鼓舞而作興迄今一載有餘負笈來者日益衆課藝亦彬彬可觀蓋坊間向有余書經集句文賦稿余亦間有持贈受而讀之者咸知本經籍為文章斷非虛語而醇茂淵懿之作出矣空疎剽竊之風亦少息矣由是進而求之儲國家經濟之用紹先哲理學之傳處為醇儒出為名臣安見元豐九先生涪熙六君子之學問勲名不接踵而起也諸生其勉之哉是為記

肄經堂 在中山書院改脩道堂成之咸豐三年巡道廖

廉選士之秀者肄業其中專課經義詩賦仿省城詒經

精舍程式

慶廉肄經堂記既江為浙東名郡人文秀美士之懷瑾握瑜者指不勝屈余於書院考課

添設增廣生童額數以宏作養近年來秋貢春闈蟬聯而起非敢侈言教育而斯地人材之美可概見矣按省城三書院外復有訪經精舍係刊上阮文達公撫浙時所建專習經解詩賦爲多士培植根柢之學由學使錄入肄業溫郡相距較遠士之嚮往者艱於資斧末由負笈而斯郡中山書院所延掌教遠在原籍不能來臨督課而東山書院掌教向由紳士就地方素有文望者遴舉一人延請主講今年秋東山講席虛懸旋值少宗伯萬藕船學使案臨甌郡面奉商榷分延講席一以循向章校課制藝一以倣照郡面奉商榷分延講席一以循向章軒所至於地方文教靡不鼓舞而振興之茲更以根柢之學提唱宗風從此海隅文物媲美湖山而科第之緣延更卜蒸蒸日上多士宜何如奮志勤脩深自砥礪耶余仰承宗伯求士之意樂捐廉俸督率舉行茲以奉命總辦兩浙卽日就道所有按課花紅各項經費由溫州府熟籌捐辦以垂永久後之君子繼長增高有舉莫廢以仰副宗伯培養人材講求實學之至意是則余之所厚望也因樂爲之記勒石永垂俾登斯堂者皆知景仰云

同治七年署知府戴槃增膏火以示獎勵

鹿城書院 在府治東北隅明宏治中郡守鄧淮建中祀

先賢二程子朱子張子旁祀鄉先儒從二程子者十一

人從朱子者十一人從南軒張子者一人萬曆府志

寬鹿城書院記浙水之東惟溫爲上郡非以其物產之美山川之秀也以其地人材之多耳人材之多或以事業文章在他郡固有其地若以理義自守名教自樂求乎內而無待於外此則所謂道學之士而非一人所能及也自宋濂溪周子繼孔孟之學於千載之上而爲廣漢張南程子四傳而爲新安朱子並朱子而生者爲廣漢張子道學既傳海內風動士相慕悅莫不奮迅而起往往負笈樞衣不遠千里以得登門爲幸講明道義羞稱功利可喜之事辨質性命不惑佛老似是之言所謂事業文章乃其餘事久而轉相傳授或私淑諸人其多不論也當是時溫之士子四先生之門皆有足跡以其數計之合二十有三人噫可謂盛矣自宋厯元至明三百餘年凡事業文章之焜耀者郡中尙能道之顧於此諸人若不知有其人幸其名氏言論散見於諸書者昭然猶

在有終不得而混者宏治辛酉吉水鄧侯來爲郡守凡
所以惠乎民者既無不至問考諸賢竦然興歎曰此邦
先哲之盛如此而吾守此土居士民之上於一夫有善
尙當表揚之况多賢如魯者乎且祭法勤事捍患者亦
祀之况有關於世教者乎此其責不在我而誰永嘉令
新安汪君循好賢方切乃奉侯之意擇地於郡之鹿城
躬自計度創爲書院作堂若干間中奉四先生傍則諸
賢列侍像設既完版位斯置其氣貌若相接其警歎若
相聞儼乎函丈之間師弟子之相授受也又闢館舍若
千間使士之學於斯者居之其規約仿白鹿洞而行其
所以勸乎人又無不至者適侯與汪君以公事至京事
畢偕來請記竊嘗觀孔子設教於洙泗之間一時弟子
莫非齊魯之產惟子游自吳而至惟顏去闕頗邇其學於
國亦惟陳良一人自楚而至惟顏去闕頗邇其學於朱
子亦宜若去洛則遠矣何程門諸賢之多不減於闕耶
吾是以益歎其盛非特當時不能及而已侯爲此舉固
出於尊崇先哲之意然所以望於後學者尤多蓋四先
生世不常有而其書則常存學於斯者出而升堂則仰
而挹其清怡之容入而讀書則俯而探其精微之旨以
守義理以樂名教以無愧於鄉之諸賢安知後世無賢

守令者為俎 萬厯十六年知府衛承芳重建二十四年

豆其間哉 知府劉芳譽新之

國朝乾隆二十年知府俞文漪率眾重修建講堂

俱見舊志

學都憲雷鉉碑記東甌鹿城書院有四賢祠祀二程子朱子及南軒張子也以東甌賢士多從四賢游者不忘其淵源用興起後學故列從游諸君子配享之位已多歷年所兵燹後僅存數椽且近朽蠹余祇謁恣然與太守俞君永嘉令崔君商所以復之既而教授王君執王進曰邑明經吳國清願膺是役而明經林翔鷺梁春戴翔鶴咸量力以飲之及期年木石甃瓦塗堅丹雘重造一新規制加擴前為祠後為講堂統名鹿城書院如舊稱於是歎先賢遺蹟易以振興不憂來者之無人也夫四賢之道炳如日星惟患汨於嗜欲徇俗苟安如適越而北轅却行而求及前人耳今日者瞻望門牆拜趨堦城有不慨然慕奮然興者乎且夫木石甃瓦塗堅丹雘尚有不慨然慕奮然興者有志之士就此慨然奮然之一念矢之以必從持之以不息知倖此即為自暴舍此即為

自棄讀書以擴其識見飭行無慚其衾影有不克爲繼起之後人者乎且相觀而善切磋鼓舞勿哂爲迂勿畏爲難安在繼起之人不如當日從游之盛乎况既躬親拮据以有成者又素皆克敦行誼之士豈不敬其子弟而徒爲觀美之具乎是則使者與守令師儒諄諄屬望之意也

浮沚書院 在城內松臺山下小雁池東宋周行己故宅

初名浮沚後改爲書院今圯

康熙府志詳古蹟

永嘉書院 在城西南淵源坊宋淳祐壬子王提刑致遠

陳資講南一建趙守師錢立坊表之中奉先聖燕居像

東室祀伊洛諸子西室祀鄉先賢周許二劉鮑敬亭等

春秋次丁釋菜元旦冬至行禮後增祀葉西山陳潛室

王存樂每月朔請鄉先生主講席元至元三十一年總

管夏若水重建講室四齋久廢

康熙府志

雞鳴書院

在縣學文廟西明宏治間知縣林廷璵建萬

厯十四年知縣蔣行義重建二十四年知縣林應翔重

修改名文昌會館

萬厯府志

今廢

龍渠書院

在縣學文廟西嘉靖二十年邑人王澈等建

中祀知縣林廷璵久廢

舊志佚今據洪光世龍渠書院祠記補碑文詳壇廟按此碑在

今文廟西文昌閣內疑即雞鳴書院所改建者萬厯間仍復初名故龍渠之名遂廢

芙蓉書院

在習禮坊開元寺中明邑人侍郎王瓚讀書

於此有芙蓉五月先花遂聯魁及第故名今廢

萬厯府志

李東陽芙蓉書院詩云芙蓉自是秋江花含風浥露滋紅霞誰教五月吐奇秀不道人間有歲華永嘉郡中滿

花院開元寺裏尋常見勝事猶傳乙卯年清標已作冰
霜面鹿鳴有宴樂嘉賓雁塢題名及早春共言此瑞不
虛應果有人傑占花神玉堂天路時來往碧桃紅杏誰
爭長出水應憐太白詩凌空忽下仙人掌兩京官舍無
花開十年心想真悠哉憑將錦
繡江山色傳與丹青畫手來

敕建貞義書院 在五都姚溪邑人大學士張孚敬未第

時溪許讀書及入相奉敕建院名貞義堂名抱忠今廢

乾隆府志 按張氏聞知錄有羅峰書院在瑤溪山中
考廣輿記初名羅峰書院嘉靖時賜名貞義瑤溪卽姚
溪聞知錄兩
載之疑誤

甌江書院 在拱辰門外江許乾隆府志今廢

羅山書院 在永場二都光緒七年二月知縣張寶琳捐

廉新設新纂

社學 在城十在廂四在鄉十八康熙府志今廢

義塾 按康熙府志載義學四所在城四隅康熙二十一年知縣鄭廷俊立延文行之士四人講業歲給廩脯親詣考課訓導蔡啟份捐助紙筆今其地久廢無從稽考附識於此

柑溪義學 在楓林乾隆間縣丞何森倡率里人徐元常

等建乾隆府志今廢同治十年署知縣曾傳楷以楓林縣丞

署爲之新纂

東甌義塾 在木杓巷道光二十五年知府張璣建勒碑

爲記蓋聞風俗之淳由於教化性情之厚端在童蒙古者國學而外有黨庠術序卽今之郡縣學是也庠

序外有家塾說者謂二十五家爲閭閻有門左右兩塾謂之小學所以啟童蒙也後人師其意而義塾立焉京師爲首善地有勉善堂義塾四方則而效之者所在皆是東甌舊設中東兩書院原以培植人材顧小學缺如

永嘉縣志

卷之七

書

孩提之童孤貧廢學仁人憫焉非所以啟童蒙而宏教化也予下車以來於書院課士之暇卽與司事鄧生承弼謀之欲覓一靜地適處一城之中者乃得於木杓巷購屋九間修棟宇備器具設立條規延師教授名之曰東甌義塾庶幾蓬戶華門之子咸知說禮樂而敦詩書焉所以推廣勉善堂義塾之意而補兩書院之所不及也雖然泮蹄之水不足以成滄海之觀培塿之邱不足與語泰山之峻所願同志之士踵而行之由城中而附郭而遠郊推而至於窮鄉僻壤靡不設塾而延師焉將見後生小子得所裁成其樸而愿者不失爲自好之士秀而文者盡成爲有造之才性情由此厚風俗由此淳古者家塾之設亦由此而復也易曰果行育德書曰樹之風聲吾知都人士必蹶然而興將與守土者樂觀厥成焉是爲記新纂

三府義學

在通判署大門右

新纂

溫衛義塾

舊在溫州衛署西乾隆三十二年溫州衛黃

大馥捐廉重建四十二年溫州衛安如崙脩同治四年

署温州衛張均脩俱有碑記光緒五年改爲溫衛義倉移義

塾於新河街之真武宮今移於衛署西南

永嘉義學 一在鹿城書院內一在習禮坊莊公祠內舊

名習禮塾

乾隆府志

光緒二年署知縣潘駿復設名東嘉義

塾一在新河街吉士坊橫街西土地祠巷內六年知縣

張寶琳新設名吉士義塾

新纂

書塾附

經行塾 在通道橋宋丁昌期設教子寬夫廉夫繼之

東山塾 在謝池巷宋周太博立延沈躬行戴明仲設教

孝廉塾 在仰解元巷幙頭河宋仰忻立

草堂塾

在城南廂宋張輝設教子孝愷孫純繼之

按止齋集

孝愷子名東野作純疑誤

城西塾

在城西宋鄭伯海立學者數百至今稱學堂前

少南塾

在五馬坊宋陳鵬飛立以經學教授鵬飛字少

南故名

南湖塾

在城南茶院寺東宋毛宥立延陳止齋講學蔡

尙書葉水心陳潛室繼之

吹臺塾

在吹臺鄉宋吳滌立設教後郡守楊簡禮之易

名慈湖塾

德新塾

在郡城德新坊宋歐歛子朱聳建延師儒蔣惠

設教嘉定間裔孫平叔繼之郡爲立坊

雅俗塾 在雅俗坊薛氏延師設教郡爲立坊

松臺書塾 在松臺山下明邑人張少師孚敬建

菰田塾 在仙居鄉五十二都戴氏立

茗嶼塾 在清通鄉里人陳順辰立延戴守雨設教

已上見康

熙府志
俱久祀

習禮塾 在習禮坊

詳前永
嘉義學

永嘉縣志卷七

--	--	--	--